

Metodologija za integrirano planiranje lokalnog razvoja u BiH – miPRO

Zadovoljstvo nam je predstaviti Vam **Metodologiju za integrirano planiranje lokalnog razvoja u BiH – miPRO**, izrađenu u okviru Projekta integriranog lokalnog razvoja (ILDP), koji je zajednička inicijativa Švicarske agencije za razvoj i saradnju (SDC) i Razvojnog programa Ujedinjenih naroda (UNDP), a provodi se u partnerstvu s Ministarstvom za ljudska prava i izbjeglice BiH, Ministarstvom uprave i lokalne samouprave RS, Federalnim ministarstvom pravde i savezima općina i gradova u oba entiteta.

ZAŠTO miPRO? U osnovi razvojnog procesa je potreba za definiranjem sistematskog pristupa koji pruža vodeće principe, utvrđuje procese, rješenja i modalitete mjerenja rezultata. Polazeći od ovakog gledišta, izrađena **miPRO** predstavlja konceptualni i praktični alat koji, na strukturiran i sistematičan način, vodi kroz proces planiranja lokalnog razvoja u BiH.

ŠTA JE miPRO? **miPRO** je instrument za proaktivno i odgovorno planiranje i upravljanje lokalnim razvojem u BiH, zasnovano na principima održivog razvoja i socijalne uključenosti, kao i ravnopravnosti spolova. Sastoji se od dva dijela: teorijskog i praktičnog, te seta praktičnih alata i primjera u elektronskoj formi (u okviru praktičnog dijela).

- **Teorijski dio miPRO** daje opis osnovnih principa i karakteristika na kojima se zasniva proces strateškog planiranja na lokalnom nivou. Pored toga, teorijski dio daje pregled procesa, zajedničkih elemenata lokalnih razvojnih strategija, njihovog obuhvata, minimalne strukture i vremenskog okvira.
- **Praktični dio miPRO** predstavlja vodič kroz svaki od koraka strateškog planiranja, objašnjava elemente, nudi preporuke, primjere, rješenja i dobre prakse, najčešće iz BiH. Praktični dio omogućava planerima lokalnog razvoja da riješe nedoumice, planiraju zadatke, organiziraju radionice, ali istovremeno pruža i dovoljno prostora za prilagođavanje specifičnostima određene općine. Postojanje metodologije za planiranje lokalnog razvoja reducira mogućnost greške, ali i štedi vrijeme.
- **miPRO** sadrži i set praktičnih alata u elektronskoj formi. Oni obuhvataju široku paletu primjera tabela, grafikona, instrumenata, strukture relevantnih dokumenata i sl., koji omogućavaju planerima lokalnog razvoja brže izvođenje određenih koraka procesa strateškog planiranja.

KAKO JE IZRAĐENA miPRO? Proces izrade **miPRO** vodila je Radna grupa za izradu metodologije uspostavljena u okviru ILDP-a, koja je okupila oko 30 predstavnika relevantnih institucija i organizacija sa svih nivoa, dok je u procesu konsultacija o nacrtu **miPRO** učestvovalo skoro 200 predstavnika nadležnih državnih i entitetskih institucija, kantona u FBiH, jedinica lokalne samouprave širom BiH, te predstavnika nevladinih i međunarodnih organizacija aktivnih u oblasti lokalnog razvoja. Nakon što je Radna grupa finalizirala i usvojila **miPRO** usvojili su je i savezi općina i gradova u oba entiteta, te preporučili njenu primjenu svim svojim članicama. Po prijedlogu Federalnog ministarstva pravde i Federalnog zavoda za programiranje razvoja, Vlada FBiH je prihvatila i preporučila primjenu **miPRO**, a očekuje se i da će Vlada RS također prihvatiti ovu metodologiju. Krajem 2009. godine započela je praktična primjena **miPRO** u 24 partnerske općine ILDP-a.

Ovim putem svim potencijalnim korisnicima predstavljamo **miPRO**, te se nadamo da će ona olakšati, podržati i sistematizirati planiranje lokalnog razvoja u BiH. Promocija **miPRO**, uz praktične informacije o njenoj primjeni, će se organizirati u okviru ILDP-a početkom 2010. godine.

miPRO možete preuzeti ovdje:

Teorijski dio

Praktični dio



Metodologija za integrirano planiranje lokalnog razvoja u BiH – miPRO

Za više informacija možete kontaktirati: Marina Dimova, voditeljica projekta ILDP; tel. : 033 563757; e-mail: mdimova@undp.ba ili Aida Laković Hošo, koordinatorica za izradu politika tel.: 033 563875; e-mail: alakovic@undp.ba. Fax: +387 33 552330; website: www.undp.ba